



BOSNIA AND HERZEGOVINA
AGENCY FOR POSTAL TRAFFIC OF
BOSNIA AND HERZEGOVINA

VIJEĆE/SAVJET AGENCIJE

Broj: 01-04-4-14-2-195-3/23
Sarajevo, 23.03.2023. godine

Parlament Federacije BiH
Zastupnički/Predstavnički dom
Sekretar/Tajnik
Hamdije Kreševljakovića 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 29-03-2023			
Org. jed.	Broj	Priloga	Vrijednost
05/1	-02-	92	/23

Predmet: Odgovor na zastupničko pitanje zastupnika Admira Čavalića

Veza: Vaš dopis Agenciji broj 05/11-02-92/23 od 16.03.2023.

Poštovani,

Agencija je, u skladu sa svojim zakonskim nadležnostima, preispitala opravdanost Odluka javnih poštanskih operatera (JPO) prema kojima se obične pismonosne pošiljke u prispijeću iz inostranstva, a koje sadrže robu, tretiraju kao registrovane (knjižene) pismonosne pošiljke (dodaje im se bar kod).

Analizirajući strukturu poštanskih pošiljaka koje prispijevaju JPO-ma u uvozu, sve više su zastupljene pismonosne pošiljke čiji je sadržaj roba, a koje po svojoj vrsti spadaju u pismonosne pošiljke bez registrovanog broja prijema, odnosno obična pisma.

Član 2. tačka c) Zakona o poštama BiH („Službeni glasnik BiH“, broj 33/05) definiše pismonosnu pošiljku kao: „Pismonosna pošiljka znači svaku poštansku pošiljku koja sadrži neko saopštenje u pisanom obliku, na svakoj vrsti fizičkog medija, koje treba dostaviti označenom primaocu. Računi za režije, drugi računi, finansijski i drugi izvještaji smatraju se pismonosnim pošiljkama.“ Iz navedenog proizilazi da u skladu sa Zakonom u običnim pismonosnim pošiljkama nije predviđen prenos robe.

Prema Odredbi 15.1 Konvencije UPU-a koja definiše da: „Javnim poštanskim operaterima je omogućeno da poštarine za različite poštanske usluge određuju države članice ili njihovi javni operateri, u zavisnosti od nacionalnog zakonodavstva, a u skladu sa načelima utvrđenim u Konvenciji i njenim Pravilnicima. Poštarine su u načelu povezane sa troškovima obavljanja usluga.“ Iz navedenog proizilazi da je poštanskim operaterima dozvoljeno da naplate i druge poštarine osim onih predviđenih Aktima UPU-a, a u skladu sa nacionalnim zakonodavstvom.

JPO ne naplaćuju nikakvu naknadu od primaoca za pošiljke koje prispiju sa registrovanim brojem prijema (preporučene, vrijednosne, EMS i paketske pošiljke), u skladu sa standardom UPU-a S10.

S obzirom da JPO-ma prispijevaju obične pismonosne pošiljke iz međunarodnog saobraćaja koje sadrže robu i nemaju bar kod broj, odnosno nisu pošiljke sa registrovanim brojem prijema, iste se moraju evidentirati kako bi se radilo u skladu sa domaćim i međunarodnim propisima iz oblasti poštanskog saobraćaja.

Davatelji univerzalne poštanske usluge su primorani da dodatnim tehnološkim postupanjima osiguraju adekvatan tehnološki proces uručjenja pošiljke, a sve u skladu sa važećom regulativom iz oblasti poštanskog saobraćaja.

S poštovanjem,



Predsjedavajući Vijeća Agencije

Armin Karahmet
Armin Karahmet, dipl.ing.prometa

Dostavljeno:

- Naslovu
- a/a